

Мутахассисларнинг хулосасига кўра, ушбу тайёрланган алкоголь маҳсулотлари инсон соғлиги учун хавфли бўлиб, истеъмол учун бутунлай яроқсиз экан. Ушбу маҳсулотларни истеъмол қилган қанчадан-қанча инсонлар зарарланиб, касалликка чалинишини, афсуски, нафсига банди бу кимсалар ўйлармиди?!



Онасига ачинган Ҳусан акаси Ойбек билан маслаҳатлашиб, волидасини наркология диспансерига ётқизди. Даволаш муолажалари наф қила бошлаганини кўрган фарзандлар уни уйга олиб келишди. Бироқ, орадан икки-уч кун ўтмай она яна эски одатини бошлади...



Mustaqillik huquq demakdir

Ўзбекистон



1997-yil 27-avgustdan chiqqa boshlagan

www.huquq-gazeta.uz

2015-yil 16-aprel, №15 (952)

Ўзбекистон Республикаси Президенти лавозимига киришиш тантанали маросимига бағишланган Олий Мажлис палаталарининг қўшма мажлиси тўғрисида ахборот

Тошкентда 10 апрель куни Ўзбекистон Республикаси Президенти лавозимига киришиш тантанали маросими-га бағишланган Олий Мажлис палаталарининг қўшма мажлиси бўлиб ўтди.

Тантанали маросимда Ўзбекистон Республикаси ҳукумати аъзолари, вазирлик ва идоралар раҳбарлари, Марказий сайлов комиссияси аъзолари, мамлакатимиздаги хорижий давлатлар элчихоналари ва халқаро ташкилотлар ваколатхоналари раҳбарлари, юртимиз ва хорижий оммавий ахборот воситалари вакиллари иштирок этди.

Қўшма мажлиси Ўзбекистон Республикаси Марказий сайлов комиссияси раиси М.Абдусаломов очди. У 2015 йил 29 март куни бўлиб ўтган Ўзбекистон Республикаси Президенти сайловида Ислом Абдуганиевич Каримов Ўзбекистон Республикаси Президенти этиб сайланганини қайд этди. Марказий сайлов комиссияси раиси залда ҳозир бўлганлар ва сайловчилар номидан Ислом Каримовни Ўзбекистон Республикаси Президенти этиб сайлангани билан самимий табриклади ва Ислом Каримовга Ўзбекистон Республикаси Президенти гувоҳномасини топширди.

Ўзбекистон Республикаси Конституциясининг 92-моддасига мувофиқ Президент Ислом Каримов қасамёд

қилди: "Ўзбекистон халқига садоқат билан хизмат қилишга, республиканинг Конституцияси ва қонунларига қатъий риоя этишга, фуқароларнинг ҳуқуқлари ва эркинликларига кафолат беришга, Ўзбекистон Республикаси Президенти зиммасига юклатилган вазифаларни виждонан бажаришга тантанали қасамёд қиламан".

Ўзбекистон Республикаси Давлат мадҳияси янгради.

Тантанали маросимда Ўзбекистон Республикаси Президенти Ислом Каримов нутқ сўзлади.

Шундан сўнг раислик қилувчи Ўзбекистон Республикаси Олий Мажлиси палаталарининг қўшма мажлисини ёпиқ, деб эълон қилди.

Ўзбекистон Республикаси Президенти сайлови халқимиз давлатимиз сиёсатини, иқтисодий-ижтимоий ислохотларни кенг қўллаб-қувватлашини яна бир бор намоён этди. Сайловчилар ушбу муҳим сиёсий жараёнда фаол иштирок этиб, юртимиз тинчлиги ва халқимиз фаровонлиги, Ватанимизнинг буюк келажиги учун овоз берди.



«Жасорат, бурч, матонат»

жорий йил юртимизда умумхалқ байрами — Хотира ва қадрлаш куни мана шу шиор остида кенг нишонланади

Мамлакатимизда истиқлол йилларида ҳар йили 9 майда нишонланадиган умумхалқ байрами — Хотира ва қадрлаш куни ўз ҳаётини Ватан озодлиги учун қурбон қилган юртдошларимиз хотирасига кўрсатилаётган эҳтиром, бугунги дориломон кунлар, тинч-осойишта ҳаётимиз ва халқимиз фаровонлиги учун фахрлини ҳамда миннатдорлик рамзига айланди.

"1941-1945 йиллардаги уруш қатнашчиларини рағбатлантириш тўғрисида" ва 2015 йил 19 февралдаги "Ўзбекистон Республикаси фуқарolari — 1941-1945 йиллардаги уруш ва меҳнат fronti фахрийларини "Иккинчи жаҳон урушидаги Галабанинг 70 йиллиги" эсдалик юбилей медали билан мукофотлаш тўғрисида"ги Фармонлари бунинг ёрқин далилидир.

улар кўрсатган матонат ва жасоратни кенг тарғиб қилиш мақсадида қабул қилинди.

Ҳужжатга мувофиқ, Хотира ва қадрлаш кунига бағишланган тадбирларга тайёргарлик кўриш ва уларни ўтказиш дастури тасдиқланди. Ушбу тадбирлар "Жасорат, бурч, матонат" шиори остида ўтказилди. Дастурни амалга оширишда давлат органлари, жамоатчилик, ижтимоий ва тиббиёт муассасалари, маданият, санъат ва спорт намоёндалари, ҳарбий хизматчилар муҳим ўрин тутди.

9 май арафасида мамлакатимизда 1941-1945 йиллардаги уруш фахрийларига Ўзбекистон Республикаси Президенти номидан "Иккинчи жаҳон урушидаги Галабанинг 70 йиллиги" эсдалик юбилей медали ва бир марталик пул мукофоти тантанали равишда топширилади.

Ушбу муҳим санага тайёргарлик кўриш доирасида таълим муассасалари ва ҳарбий қисмларда ёшларни Ватанга муҳаббат, аждодлар жасоратига садоқат, кексаларни эъзозлаш руҳида тарбиялаш мақсадида 1941-1945 йиллардаги уруш ва меҳнат fronti фахрийлари, Ўзбекистон Республикаси Қуролли Кучлари фахрийлари ва вакиллари иштирокида "Авлодлар учрашуви", "Кексаларга эътибор ва ғамхўрлик", "Хотира ва қадр" мавзуларида маънавий-маърифий тадбирлар ташкил этилади.

Мухтасар айтганда, жанг майдонларида жон берган, урушдан қайтмаганларни эслаш, бугун орамизда соғ-саломат ҳаёт кечираётган нуруний отахон ва онахонларимизга ғамхўрлик кўрсатиш бизнинг муқаддас бурчимиздир.



Айнан шу боис ушбу муҳим сана мамлакатимизда тантанали нишонланади. Жорий йилда бу сана Иккинчи жаҳон урушидаги Галабанинг 70 йиллиги муносабати билан янада кенг байрам қилинади.

Таъкидлаш жоизки, мамлакатимизда фахрийларга доимий ғамхўрлик кўрсатилиб, улар ҳар томонлама қўллаб-қувватланмоқда. Юртбошимизнинг 2014 йил 13 октябрдаги "1941-1945 йиллардаги уруш ва меҳнат fronti фахрийларини ижтимоий қўллаб-қувватлашни янада кучайтириш чора-тадбирлари тўғрисида", 2015 йил 6 мартдаги

Шу билан бирга, давлатимиз раҳбарининг 2015 йил 26 мартда қабул қилинган фармойиши ҳам мамлакатимизда уруш ва меҳнат fronti фахрийларига ҳурмат-эҳтиром кўрсатилаётганини тасдиқловчи яна бир муҳим ҳужжат бўлди.

Мазкур ҳужжат Хотира ва қадрлаш кунига бағишланган тадбирларни юксак ташкилий савияда ўтказиш, шунингдек, 1941-1945 йиллардаги урушда фашизм устидан қозонилган галабанинг 70 йиллигини нишонлаш, уруш ва меҳнат fronti фахрийларига эътибор ва ғамхўрликни янада кучайтириш, уруш йилларида

Ўзбекистон — Польша бизнес-форуми

Ўзбекистон Республикаси Савдо-саноат палатасида Польша Республикаси ишбилармон доиралари вакиллари иштирокида бизнес-форум бўлиб ўтди. Ушбу тадбир Ўзбекистон ва Польша бизнес тузилмалари ўртасидаги тўғридан-тўғри алоқаларни янада кенгайтиришга қаратилди.


Форумда Ўзбекистон билан Польша ўртасидаги муносабатлар барча жабҳаларда, жумладан, савдо-иқтисодий соҳасида ҳам жадал ривожланаётгани таъкидланди.

Тадбирда Польша делегацияси аъзоларига мамлакатимизда амалга оширилаётган иқтисодий ислохотлар, кичик бизнес ва хусусий тадбиркорликни қўллаб-қувватлаш борасида ҳаётга татбиқ этилаётган чора-тадбирлар хусусида атрофлича маълумот берилди. Ўзбекистон Республикасидаги инвестициявий муҳит, Польшанинг савдо-иқтисодий салоҳияти ва икки давлат ўртасидаги ташқи иқтисодий ҳамкорликнинг жорий ҳолатига бағишланган тақдиротлар ўтказилди.

Бизнес-форум давомида Ўзбекистон ва Польша ишбилармон доиралари вакиллари ўртасида икки томонлама музокара-лар ташкил этилди. Мулоқотлар якунида келажакдаги ўзаро манфаатли ҳамкорлик йўналишлари белгилаб олинди.

Бугун юртимизда инсон ҳуқуқ ва манфаатларини ҳимоя қилишга доир қонунчиликни такомиллаштиришга қаратилган ишлар кенг миқдoрoсa олиб бoрилмақдa. Ҳар бир шахс ўзи ёки бошқалар билан бирга ваколатли давлат органларига, муассасаларига ёки халқ вакилларига ариза, тақлиф ва шикоят билан мурожаат этиб, ўз ҳуқуқ ва эркинликларини, қонуний манфаатларини рўёбга чиқариши ва ҳимоя қилиши мумкин. Шу боис миаллий қонунчилигимизда фуқароларнинг мурожаатлари масаласига алоҳида ўрин берилган. 2014 йил 4 декабрда матбуотда эълон қилиниб, расман кучга кирган «Жисмоний ва юридик шахсларнинг мурожаатлари тўғрисида»ги Ўзбекистон Республикаси Қонуни фуқароларнинг давлат органларига мурожаат этишининг тартибиди янада такомиллаштирди.

Инсон тақдирига дахлдор



Гулчехра РАЗЗОҚОВА,
СВОЖЖДЛҚК департаментининг
Тошкент вилоят бошқармаси
катта инспектори

Ушбу қонунда юридик шахсларнинг мурожаатларини кўриб чиқиш билан боғлиқ ижтимоий муносабатлар ҳуқуқий тартибга солиниди ҳамда соҳадаги қонунбузлишни ҳолатлари учун жавобгарлик белгиланиб, давлат органларига, мансабдор шахсларга мурожаат қилиш тартиби аниқлаштирилди. Мурожаатлари бeриш ва уларни кўриб чиқиш тартиби, муддатлари, мурожаатларни кўрмай қолдириш асослари, шунингдек, мурожаатларни кўриб чиқишда жисмоний ва юридик шахсларнинг ҳуқуқлари ҳамда давлат органларининг мажбуриятлари, моддий зарарининг ўрнини қоплаш ва маънавий зиёнини компенсация қилиш, мурожаатлар тўғрисидаги қонун ҳужжатларини бузганлик учун жавобгарликка оид қоидалар ҳам қонунда ўз ифодасини топди.

Хусусан, ўтган йил давомида юридик ва жисмоний шахслардан бошқармага келиб тушган 378 та мурожаатнинг барчаси белгиланган тартибда кўриб чиқилиб, қонуний ҳал этилиши таъминланган. Бевоқиф кичик бизнес, хусусий тадбиркорлик субъектлари ва хорижий инвестициялар иштирокидаги корхоналардан келиб тушган 30 га яқин мурожаат алоҳида назоратга олиниб, улар тегишли тартибда ўрганилди ва тадбиркорлик субъектларининг бузилган ҳуқуқлари тикланди. Масалан, "SoQOQ Zabardast Omad" XK раҳбари Рашид Пулатовнинг "Modern Electronics" МЧЖга шартнома асосида ўтказиб берилган 20 млн. сўмга компьютер ва маиший техника ускуналарини ололмаётганидан норози бўлиб ёзган мурожаат ўрганилиб, ушбу фуқаронинг бузилган ҳуқуқлари тикланиши таъминланди.

Фуқаро С.Жалолов эса "Жанжу бизнес плюс" МЧЖнинг думалоқ муҳри босилган ҳисоб варақани қалабақлаштириб, хорижда ишлаб чиқарилган 6 млрд. 947 млн. сўмлик 28 турдаги ҳўжалик гигиеник маҳсулотларини ноконуний равишда бозор ва савдо дўконларида нақд пулга сотган. Департаментнинг Оқўрғон туман бўлими ходимлари томонидан ҳолислар иштирокида ўтказилган тадбирда бир томонлама тўлдирилган "Жанжу бизнес плюс" МЧЖнинг муҳри босилган 15 та ҳисоб варақа, маҳсулотлар савдоси юритилган ён дафтарлар, хорижда ишлаб чиқарилган ҳўжалик гигиена маҳсулотлари ашёвий далил сифатида олинган. Ноконуний ишга қўл урган ҳуқуқбузарга нисбатан жиноят иши кўзгатилиб, суд томонидан жазо муқаррарлиги таъминланди.

Ёки яна бир мисол. Оқўрғон туманидаги "Ҳасанобод", "Истиклол", "Кўшдавлат ота", "Бойман ота", "Мўйиддин Турдали ўғли", "Саодат Бекназарова" номли фермер ҳўжаликлари раҳбарлари ўзларига тегишли бўлган дизел ёқилгилари талон-торож қилинганлиги ва бу билан боғлиқ муаммоларни ҳал этишда ёрдам бeришни сўраб, ариза билан департаментнинг Оқўрғон туман бўлимига мурожаат қилишади. Мазкур мурожаат юзасидан олиб берилган тезкор тадбирлар натижасида фермерларнинг иқтисодий ҳуқуқлари тикланди. Тегишли давомида "Пахта нефтбазиси" УҚга қарашли 38-сонли Маданият шохобчаси собиқ катта оператори А.Темирбоев томонидан фермер ҳўжаликларига тегишли бўлган 6 млн. 587 минг сўмлик 2745 кг дизел ёқилгисининг талон-торож қилинганлиги аниқланган. Бундан ташқари, А.Темирбоевнинг 2013 йилнинг январь ойидан декабрь ойига қадар дизел ёқилгисини тарқатиш варақаларида 8 та ҳўжалик раҳбарининг имзоларини қалабақлаштириб, 19721 кг. дизел ёқилгисини чиқим қилганлиги аниқланган. Ушбу талон-торож қилинган 19721 кг. дизел ёқилгиси билан 630 гектарга яқин ер майдонида ўз вақтида агротехник ишлови бeрилиши, бу эса албатта, ҳосилдорликнинг юқори бўлишига замин яратишини А.Темирбоев жуда яқши биларди. Бирок...

Ушбу манфаатини барча нарсдан устун қўйиб, фермерларнинг иқтисодий манфаатига путур етказган ҳолда қонунбузлишни холатини содир этиш ҳуқуқбузарга нисбатан жиноят иши кўзгатилиб, унга суд томонидан тегишли жазо тайинланди ва етказилган зарар тўлиқ қопланди.

Қонун деганда одатда, ҳамият осойишталиги ва тараққиётига хизмат қилувчи меъёрий ҳужжатлар кўз олдимизда гавдаланади. Дарҳақиқат, ҳуқуқий демократик давлатнинг энг асосий принципларидан бири қонун ва унинг устуворлигидир. Хусусан, "Жисмоний ва юридик шахсларнинг мурожаатлари тўғрисида"ги Ўзбекистон Республикаси Қонуни ҳам айнан фуқароларнинг қонуний манфаатларини ҳимоя қилиш йўлида қўшимча қафолатлар яратар экан, ҳар бир мурожаатнинг тезлик билан, ҳар томонлама кўриб чиқилиши ва ҳал қилиниши орқали фуқароларнинг ҳуқуқлари, эркинликлари ва қонуний манфаатлари ўз вақтида ҳимоя қилиниши баробарида, мансабдор шахсларнинг ҳам фуқаролар билан ишлаш борасидаги масъулиятини янада кучайтиради.

Барчамиз масъулмиз

Жисмонан соғлом, маънан баркамол авлодни вояга етказишда таълим ва тарбиядаги уйғунлик, оила, маҳалла, таълим маскани, қолаверса, кенг жамоатчиликнинг ҳамжиҳатликида иш олиб бeриши муҳим аҳамият касб этади.

Аслиддин УМУРОВ,
Бухоро вилоят прокурорининг
катта ёрдамчиси

Ўзбекистон Республикасининг Маъмурий жавобгарлик тўғрисидаги кодексига кўра, ота-оналар ёки уларнинг ўрнини босувчи шахслар томонидан вояга етмаган болаларни тарбиялаш ва уларга таълим бeриш борасидаги мажбуриятларни бажармаслик, шу жумладан, вояга етмаган болаларнинг маъмурий ҳуқуқбузарлик содир этишига олиб келиши энг кам иш ҳақининг иккидан бир қисмидан уч бараваригача миқдорда жарима солишга сабаб бўлади.

Болаларнинг мажбурий умумий ўрта таълим, ўрта махсус касб-ҳунар таълими олишига ота-оналар ёки уларнинг ўрнини босувчи шахслар томонидан тўққизлик қилиш эса энг кам иш ҳақининг беш бараваридан ўн бараваригача миқдорда жарима солишга сабаб бўлади.

Туман прокуратураси, ИИБ ходимлари, маҳаллалар раислари иштирокида Бухоро туман ҳоқимлиги ҳузурдаги вояга етмаганлар ишлари бўйича комиссия томонидан вояга етмаган болалари умумтаълим мактаблари ва касб-ҳунар коллежларида дарс машғулотларини мунтазам қолдириб кeлаётган ёки боласининг ўқишга бeришига тўсқинлик қилган, фарзандлари тарбияси бeрасидаги мажбуриятини унутган 7 нафар ота-онага нисбатан маъмурий ҳуқуқбузарликка доир ишлар кўриб чиқилди.

12 йиллик мажбурий таълим ва тарбиядаги узвийлик, баркамол авлодини вояга етказиш масаласи ҳар биримиз учун умумийлик, умумдавлтлик микёсидаги долзарб вазифа саналади. Бинабарин, бугун униб-ўсиб кeлаётган йигит-қизлар юртинг эртаси, миллиатнинг кeлажакдир. Уларнинг тақдирини бeфарқлик кeчирилмас ҳатоидир.

Матбуот анжумани

Тошкентда Ўзбекистон Республикаси Адлия вазирлиги ҳамда Адвокатлар палатаси ҳамкорлигида «Адвокатура институти — инсон ҳуқуқ ва эркинликларини ҳимояси йўлида» мавзусида матбуот анжумани бўлиб ўтди.

Соҳани янада ривожлантириш йўлида

Тадбирда сўзга чиққанлар инсон ҳуқуқларини таъминлашда фуқароларнинг малакали ҳуқуқий ёрдам олишига бўлган конституциявий ҳуқуқини рўёбга чиқариш муҳим аҳамиятга эга эканлигини таъкидлашди.

Юртбошимизнинг 2008 йил 1 майдаги "Ўзбекистон Республикасида адвокатура институти янада ислоҳ қилиш чора-тадбирлари тўғрисида"ги Фармони суд-ҳуқуқ тизимини либераллаштириш, фуқароларнинг тергов ва суд ишлари юртишининг ҳар қандай босқичида малакали юридик ёрдам олиш ҳуқуқини мустақамлайдиган конституциявий қоидали амалга оширишда муҳим омил бўлди.

Мазкур фармон адвокатуранинг ташкилий мустақиллигини таъминлаш, уни юқори малакали кадрлар билан тўлдириш, соҳа мутахассисларининг мустақиллиги қафолатларини кучайтириш, нуфузини янада ошириш, адвокатура институтининг ислоҳ қилишда ҳар жиҳатдан янги босқични бошлаб берди. Бoиси ушбу фармон асосида учта қонун, бешта ҳуқумат қарори, тўққизта идоравий норматив-ҳуқуқий ҳужжат қабул қилинди. Улар асосида мамлакатимизда жиноят ва фуқаролик ишлари бўйича суд фаолиятининг барча босқичида ўзаро тортишув бўлишини таъминлашга, одил судлов сифати ва тезқорлигини оширишга қаратилган кенг қўламли чора-тадбирлар амалга оширилмоқда. Таъкидлаш жоизки, қонунчилигимизда нафақат жиний жавобгарликка торти-

лаётган ёки жабрланган шахснинг, балки гувоҳнинг ҳам ўз ҳуқуқлари ва қонуний манфаатлари адвокат орқали ҳимоя қилиниши мустақамлаб қўйилди. Бу эса ўз навбатида, инсон ҳуқуқ ва эркинликлари қафолатларининг янада кучайишига пойдевор бўлди.

Шу билан бирга, мазкур соҳанинг ташкилий асосини такомиллаштиришга ҳам эътибор қаратилиб, Адвокатлар палатаси тузилди. Палата эса адвокатуранинг инсон ҳуқуқ ва эркинликларини ҳимоя қилишдаги ролин кучайтиришга, аҳолининг ҳуқуқий билим ва маданиятини оширишга қаратилган маърифий тарғибот тадбирларини ўтказиб кeлмоқда. Шунингдек, давлат ва ҳўжалик бошқаруви органлари билан муносабатларда, судда уларнинг ҳуқуқ ва манфаатларини ифодалаш ҳамда ҳимоя қилиш, аҳолининг юридик ёрдамдан фойдалана олиш имкониятини туманлар ва шаҳарларда юридик маслаҳатхоналар ташкил этиш орқали таъминлаш, адвокатлар томонидан қонун ҳужжатлари, касб этикаси қоидаларига риоя этилиши устидан назоратни амалга ошираётди.

Омвий ахборот воситалари вакиллари томонидан адвокат касбига қўйилган талаблар, лицензия бeришининг тартиб-таомиллари, соҳа мутахассислари малакасини ошириш, қонунчиликда адвокат хизматидан фойдаланишининг ҳуқуқий асослари ҳақидаги берилган саволларига мутахассислар керакли жавоблар бeришиди.

Ўз мухбиримиз

Мурожаатлар — жамият кўзгуси

Мустақилликнинг ўтган йилларида мамлакатимизда улкан демократик ислохотлар амалга оширилади. Жамият ўз тараққиётида янги сиёсий ва ижтимоий-иқтисодий босқичга кўтарилади, энг асосийси, фуқароларнинг дунёқараши, ҳуқуқий онги ўсди. Бундай ўзгаришлар, ўз навбатида, амалдаги қонунчиликни, шу жумладан, фуқароларнинг мурожаатларини ҳал этиш соҳасидаги қонун ҳужжатларини янада такомиллаштиришни, унинг нормаларини бугунги кун талабларига мослаштиришни тақозо этди.

"Жисмоний ва юридик шахсларнинг мурожаатлари тўғрисида"ги Ўзбекистон Республикаси Қонуни шулар жумласидандир. Унга қадар мурожаатларни кўриб чиқиш масалалари 2002 йилда қабул қилинган "Фуқароларнинг мурожаатлари тўғрисида"ги Қонун билан тартибга солиб келинган эди.

Шуни алоҳида таъкидлаш жоизки, "Жисмоний ва юридик шахсларнинг мурожаатлари тўғрисида"ги Ўзбекистон Республикаси Қонунини тайёрлашда республиканинг масъул вазирлик ва идоралари қаторида прокуратура органлари томонидан ҳам муайян ишлар олиб борилди. Шунингдек, қонун лойиҳасини ишлаб чиқишда ҳорижий ва МДХ давлатлари амалиёти ҳам ўрганиб чиқилди.

Президентимиз Ислам Каримовнинг 2012 йил 16 мартдаги халқ депутатлари Тошкент шаҳар Кенгашининг навбатдан ташқари сессиясидаги нутқи, унда билдирилган соҳага доир тандиқий фикрлар мазкур қонун лойиҳасини изчиллик билан пухта ва сифатли ишлаб чиқишга, уни кенг доирада атрофлича муҳофамадан ўтказган ҳолда қабул қилишга, шакл-шубҳасиз, асосий туртки бўлди. Айниқса, Юртбошимизнинг сессиядаги: "Хар қайси мурожаатнинг ортида тирик жон турибди, уларда кимнингдир арз-доди, керак бўлса, дарди, айрим амалдорлар томонидан йўл қўйилган адолатсизлик турганини ҳеч қачон унутмаслик лозим", деган сўзлари ҳар бир фуқаронинг ўраига, масъул шахсларнинг эса диққат-эътиборига этиб борди деб ўйлаймиз.

Дарҳақиқат, бугунги кунга келиб, жамиятимизда фуқаро ва ташкилотларнинг ариза, тақлиф ва шикоятла-

Мурожаатларнинг қонундаги мавжуд озғани ва ёзма шакллари қаторига "электрон" шаклдаги мурожаатлар ҳам қўшилди ва бу мурожаат шакли ҳуқуқий жиҳатдан мустақамланди.

Юридик шахсларнинг мурожаатида унинг реқвизитлари тўлиқ кўрсатилиши, корхона раҳбари ёки ваколатли шахс имзоси билан, электрон мурожаат эса электрон рақамли имзо (шифр) билан тасдиқланган бўлиши, мурожаат этувчиларнинг вақиллари орқали берилган мурожаатларга уларнинг ваколатларини тасдиқловчи ҳужжатлар илова қилиниши лозимлиги каби талаблар ҳам қонунда ўз аксини топди. Шу билан бирга, халқаро нормалар талабларидан келиб чиқиб, мурожаатлар давлат тилида ва бошқа тилларда берилиши мумкинлиги белгилаб қўйилди.

Қонунга бундан ташқари, мурожаат этувчиларни қабул қилиш масаласига доир бир қатор ўзгаришлар ҳам киритилди. Жумладан, қабул қилинган жадваллари, уни ўтказиш вақти, жойи ҳамда қабул қилинган ёзилиши тўғрисидаги ахборот, қабул қилиш тартиби давлат органларининг расмий веб-сайтларида эълон қилиниши, шунингдек, уларнинг маъмурий биносида ҳамма кириши мумкин бўлган жойлардаги стендаларга ёки бошқа техник воситаларга жойлаштириш орқали манфаатдор шахслар эътиборига етказилиши белгилаб қўйилди. Давлат органларининг шахсий қабулини ўтказувчи раҳбарлари ёки бошқа ваколатли шахслари ҳар қандай масалалар, шу жумладан, ўз ваколатларига қирмайдиغان масалалар бўйича мурожаат этилганда, қабулни рад этишга ҳақиқат эмас, ушбу модданинг бешинчи қисмида (муқаддам қарор қабул қилиниб, рад этилган бўлса) назарда тутилган ҳоллар бундан мустасно.

Агар шахсий қабул давомида баён этилган масалаларни ҳал этиш давлат органининг ваколатларига кирмаса, тегишли мансабдор ёки бошқа ваколатли шахслар мурожаат этувчига мурожаатда баён

этилган масалаларни ҳал этиш учун қайси орган ёки ташкилотга мурожаат қилиш лозимлигини тушунтириши керак.

Шахсий қабул давомида давлат органининг раҳбари қарорига кўра ҳамда мурожаат этувчининг ёзма розилиги билан махсус техника воситалари (аудио ва видео ёзув, шунингдек, фотосуратга олиш) қўлланилиши мумкин. Давлат органларининг раҳбарлари ёки бошқа ваколатли шахслари томонидан сайёр шахсий қабуллар ташкил этилиши мумкин.

Бундан ташқари, қонунда ҳуқуқлар, эркинликлар ва қонуний манфаатларга риоя этилишининг кафолатларини таъминлаш бўйича янги норма киритилди. Яъни давлат органлари мурожаатларни кўриб чиқишда Ўзбекистон Республикасининг Конституцияси ва қонунлари талабларига риоя этиши, уларнинг тўлиқ, ҳолисона ва ўз вақтида кўриб чиқилиши учун қоралар кўриши, жисмоний ва юридик шахсларнинг бузилган ҳуқуқлари, эркинликлари тикланиши ҳамда қонуний манфаатлари ҳимоя қилиниши таъминлаш бўйича ўз ваколатларига доирасида қоралар кўриши шарт.

Қонунга шунингдек, мурожаат этувчиларнинг ҳафсизлиги кафолатларига, мурожаатларни кўриб чиқиш тартибларига оид янги нормалар киритилди. Унга кўра, мурожаатни кўриб чиқаётган давлат органи сўраган қўшимча ахборот давлат сирини ёки қонун билан кўриқланадиган бошқа сирни ташкил этувчи маълумотларни ўз ичига олган бўлмаса, жисмоний ва юридик шахсларнинг ҳуқуқлари, эркинликлари ҳамда қонуний манфаатларига, жамият ва давлат манфаатларига зарар етказмаса, давлат органлари, уларнинг мансабдор шахслари ўзларидан сўраётган ахборотни ўн кун ичида тақдим этиши шарт.

Мурожаат этувчи ёки бошқа шахс йўқлигида мурожаатни кўриб чиқиш имкони бўлмаса, улар давлат органининг мансабдор шахси томонидан қақририлиши мумкин.

Отабек ШАИМОВ,
Бош прокуратура бўлим прокурори

Қақририлган мурожаат этувчи келмаган тақдирда, давлат органининг мансабдор шахси мурожаатни унинг иштирокисиз кўриб чиқиш имкони йўқлиги ҳақида жавоб юборади.

Бундан ташқари, қонунда жисмоний ва юридик шахслар ўз мурожаатларини улар кўриб чиқилганига қадар ва кўриб чиқилмаётган вақтда мурожаат юзасидан қарор қабул қилинганга қадар ёзма ёхуд электрон шаклда ариза бериш орқали қақририб олиш ҳуқуқига эгаллиги ҳам белгиланди.

Ушбу қонунга кўра, ариза ёки шикоят масалани маъмулан ҳал этиши шарт бўлган давлат органига келиб тушган кундан эътиборан ўн беш кун ичида, қўшимча ўрганиш ва (ёки) текшириш, қўшимча ҳужжатларни сўраб олиш талаб этилганда эса бир ойгача бўлган муддатда кўриб чиқилади. Ариза ва шикоятларни кўриб чиқиш учун текшириш ўтказиш, қўшимча материаллар сўраб олиш ёхуд бошқа чора-тадбирлар кўриш зарур бўлган ҳолларда, уларни кўриб чиқиш муддатлари тегишли давлат органи раҳбари томонидан истисно тариқасида узоғи билан бир ойга узайтирилиши мумкин, бу ҳақда мурожаат этувчига хабар қилинади.

Шунингдек, қонун қайси мурожаатлар кўрилмади қолдирилиши масаласига ҳам аниқлик киритди. Қонунчи, аноним, ваколати бўлмаган шахс томонидан берилган мурожаатлар ва қонунда белгиланган бошқа талабларга мувофиқ бўлмаган мурожаатлар кўрмасдан қолдирилади.

Хулоса қилиб айтганда, мазкур қонуннинг қабул қилиниши жисмоний ва юридик шахсларнинг қонуний манфаатларини ҳимоя қилиш борасида қўшимча кафолатлар яратди. Бундан ташқари, мансабдор шахсларнинг жисмоний ва юридик шахслар мурожаатлари билан ишлаш борасидаги масъулиятини янада кучайтиришнинг таъсирчан чораси бўлиб хизмат қилади.

Кексаларнинг ижтимоий ҳимояси

Мамлакатимизда ҳуқуқий демократик давлат ва фуқаролик жамиятини қуришда аҳолини ижтимоий муҳофаза қилиш борасидаги тадбирлар муҳим аҳамият касб этди. Чунки давлатнинг ижтимоий ҳимоя соҳасидаги адолатли сиёсий ижтимоий задиятларнинг олинган олиш ҳамда тинчлик ва барқарорликнинг сақланишида катта рол ўйнайди.

Юртбошимиз Ислам Каримов давлатнинг ижтимоий ҳимоя борасидаги сиёсати айниқса, ўтиш даврида жуда муҳим аҳамиятга эга бўлишини ҳисобга олган ҳолда, ислохотларни амалга оширишнинг асосий тамойилларидан бири сифатида кучли ижтимоий ҳимояни белгиланган эди.

Кучли ижтимоий ҳимоя сиёсати мамлакатимиздаги қонунчилик тизимида ҳам тўла акс этган. Хусусан, Ўзбекистон Республикаси Конституциясининг 39-моддасига мувофиқ: "Хар ким қариганда, меҳнат лаёқатини йўқотганда, шунингдек боқувчисидан маҳрум бўлганда ва қонунда назарда тутилган бошқа ҳолларда

ижтимоий таъминот олиш ҳуқуқига эга.

Пенсиалар, нафақалар, ижтимоий ёрдам бошқа турларининг миқдори расман белгилаб қўйилган тирикчилик учун зарур энг кам миқдордан оз бўлиши мумкин эмас".

Юртбошимиз томонидан 2015 йилнинг "Кексаларни ёززлаш йили" деб эълон қилиниши мамлакатимизда кекса авлод вақилларига бўлган ҳурмат ва эътироннинг яққол ифодаси бўлди.

Кекса ва ёши улуг инсонларни ижтимоий ҳимоя қилиш бўйича илгор ҳуқуқий нормалар бугунги кунда инсон ҳуқуқларига доир бир қатор халқаро стандартларда ўз аксини топган. Жумладан, "Инсон ҳуқуқлари умум-

жаҳон декларацияси"нинг 25-моддасида "Хар бир инсон ўзининг ҳамда оиласининг саломатлиги ва фаровонлигини таъминлаш учун зарур бўлган турмуш даражасига эга бўлиш, жумладан, кийим-кечак, озиқ-овқат, тиббий хизмат ва зарур ижтимоий хизматга эга бўлишга ҳамда ишсизлик, касаллик, ногиронлик, бевалик, қарилик ёки унга боғлиқ бўлмаган шароитларга кўра тирикчилик учун маблағ бўлмайд қолган бошқа ҳолларда таъминланиш ҳуқуқига эга" эканлиги белгиланган.

Мамлакатимизда кексаларни моддий ва ижтимоий ҳимоя қилиш бўйича қабул қилинган қонунчилик ҳужжатлари юқорида қайд қилинган халқаро стандартлар талабларини ўзида муҷассас этди.

Кекса ёшдаги инсонларнинг парварош ва тиббий муолажага бўлган эҳтиёжларидан келиб чиқиб, Ўзбекистон Республикаси Меҳнат ва аҳоли ижтимоий муҳофаза қилиш вазирлиги ва Молия вазирлиги томонидан

Жўрабек РАҲМОНОВ,
Хоразм вилоят прокуратураси бўлим прокурори

2012 йил 15 мартда "Ногиронлар ва кексаларни бепул санатория-курорт йўлланмалари билан таъминлаш тартиби тўғрисида"ги Йўриқнома ишлаб чиқилган бўлиб, ушбу асосда бугунги кунда мамлакатимизда минглаб ёши улуг инсонларга сихатҳолларга бориб дам олиш ва даволаниш имкониятлари яратиб берилган.

Хулоса ўрнида айтиш мумкинки, бугунги кунда мамлакатимизда кексаларни ҳар томонлама ижтимоий муҳофаза қилиш борасида олиб борилаётган чора-тадбирлар инсон ҳуқуқлари устуворлигини таъминлаш борасидаги давлат сиёсатининг таркибий қисми бўлиб, ўзининг мазмун-моҳиятига кўра, энг аввало, кексаларнинг доимий давлат ва жамият гамхўрлигида бўлишини кўзда тутди.

Бу юртда ҳар бир ислохот инсон учун хизмат қилади



AGROBANK

Бугун мамлакатимиздаги ҳар бир янгиланиш, яшариш, ободончилик, барча соҳалардаги тараққиёт омили юртимизнинг иқтисодий жиҳатдан юқалиб бориш омили билан чамбарчас тарзда илдамламоқда. Шаҳар-у қишлоқларимизда қад ростиётган ижтимоий-иқтисодий аҳамиятга эга бўлган осмонлар бинолар, ташкил этилаётган боғ-роғлар, энг асосийси, аҳоли турмуш тарзининг йил сайин юқалиб, яхшиланиб бораётгани ҳам ҳудудлардаги иқтисодий тармоқларнинг тобора ривожланиётгани билан бевосита боғлиқ бўлиб қолаётгани бугун ҳеч биримизга сир эмас.



Бу жараёнларда молиявий муассасалар, хусусан, тижорат банкларининг ўрни айниқса, аҳамиятли бўлмоқда.

Жумладан, ўз олдига мамлакатда аграр тизимини ривожлантириш, кичик бизнес ва хусусий тадбиркорликни тараққий эттириш каби қатор мақсад ва вазифаларни қўйган "Агробанк" акциядорлик тижорат банки ҳам юртимиздаги бундай эзгу ва тарихий жараёнларда ўзининг қўллаб-қувватлаши билан фаол иштирок этиб келмоқда.

Хусусан, иқтисодиётдаги таркибий ўзгаришларни амалга ошириш, модернизация жараёнларини изчил давом эттириш ҳисобидан хусусий мулк ва тадбиркорликка кенг йўл очиб бериш "Агробанк"нинг устувор вазифасига айланиб бормоқда. Молия тизимидаги ислохотлар натижасида ушбу банк корпоратив корхоналар, кичик бизнес ва хусусий тадбиркорлик субъектлари, деҳқон ҳамда фермер хўжалиқларининг ишончли ҳамкорига айланди. Натижада мамлакат ялпи ички маҳсулотининг ҳажми ҳамда аҳоли реал иш ҳақи ва даромадларининг ўсишида, ишлаб чиқарилаётган маҳсулотларнинг жаҳон бозорида ўз харидорига эга бўлишида, ижтимоий объектлар ва турар жой бинолари барпо этишдек кенг қўламли бунёдкорлик ишларида қўлга киритилаётган улкан ютуқларда айнан банкнинг молиявий қўмаги муҳим аҳамият касб этмоқда.

Айни кунда "Агробанк" ўз инфра-тузилмаси доирасида мамлакатимизнинг барча ҳудудларини тўла қамраб олди. Хусусан, миқозларга ўзининг 183 та филиали, 271 та минибанки, 187 та халқаро пул ўтказмалари, 47 валюта айирбошлаш ва 40 та конверсион шохобчалари орқали хизмат кўрсатиб келмоқда.

Ушбу саъй-ҳаракатлар натижаси ўлароқ банкнинг фаолияти жаҳоннинг нуфузли халқаро рейтинг агентлиги хисобланган "Мудис" ҳамда "Фитч Рейтингс" компаниялари томонидан "барқорор" деб баҳоланди. Шунингдек, "Ahor-Reyting" миллий рейтинг агентлиги томонидан фаолият натижаларининг миллий кўрсаткичлари бўйи-

ча ушбу банкка энг юқори "uzA+" "Барқорор" прогнози берилган.

Жорий йилнинг ўтган уч ойи мобайнида банк томонидан амалга оширилган ишлар, мақсадли йўналтирилган кредит маблағлари миқдорининг ўзи ҳам "Агробанк"ка берилган бундай юқори баҳо бежиз эмаслигини далолат бериб турибди.

Хусусан, биринчи чорак давомида банк томонидан аграр комплексни қўллаб-қувватлаш, қишлоқ хўжалиқ маҳсулотларини етиштириш ва қайта ишлаш, фермер хўжалиқларини молиялаштиришга қатъи эътибор қаратилди. Жумладан, кўп тармоқли фермер хўжалиқларини ривожлантириш мақсадида 70,7 млрд. сўм кредитлар ажратилди. Пировардида 37 мингдан ортиқ янги иш ўринлари яратилди.

Шунингдек, қишлоқ жойларида ишлаб чиқаришни кенгайтириш ва инфратузилмани ривожлантиришга қаратилган лойиҳаларни молиялаштириш учун кичик бизнес субъектларига 200,3 млрд. сўмлик кредитлар ажратилди.

Энг муҳими, бугун ўз ишини йўлга қўйиб, бизнесини ривожлантираётган тадбиркор мижозлар "Агробанк"дан миннатдорлик ҳиссини туймоқдалар.

Иқтисодиётнинг етакчи кучига айландик

— Биз каби тадбиркорлар бугунги кунда жамиятимизнинг фаол аъзосига айланиб бормоқда. Ишбилармонларимиз давлатимиз томонидан яратиб берилаётган эътибор ва қўмақдан мамнун бўлиб, зарур шарт-шароитлардан унумли фойдаланмоқдалар. Ана шундай қўлай ишбилармонлик муҳити туфайли уларнинг сафи кенгайиб, оила-си даромадини кўпайтириш билан бирга, аҳоли фаровонлиги ва юрт ободлигига ҳам ҳисса қўшмоқдалар, — дейди Жиззах вилояти Фориш туманидаги "Shahzod biznes yulduzi" хусусий корхонаси раҳбари Дилшод Исломов. — Мен ҳам соҳага берилаётган эътибордан самарали фойдаланиш учун тадбиркор бўлишни ўз олдimgа мақсад қилдим. Шу истақ туфайли турли бизнес лойиҳалар устида иш олиб

бордим. Ана шу лойиҳалар устида ишлаш жараёнида билдимки, мукамал ва пукта режа тадбиркорга ҳар томонлама қўлайлик ва энг асосийси даромад олиб келади. Ўзим ишлаб чиққан бизнес режамни ҳаётга татдиқ этиш мақсадида "Агробанк"нинг Фориш филиалига топширдим. Банк мутахассислари томонидан тикувчиликни ривожлантириш мақсадида ишлаб чиқилган лойиҳам атрофлича ўрганилиб, янги цех фаолиятини йўлга қўйиб олиш учун етарли бўлган кредит маблағи ажратилди. Муҳими, мен ташкил этган цехда 12 нафар маҳаллий аҳоли ўз иш ўрнига эга бўлди.

Элда нондек азиз қилди

— Бугун иқтисодиётнинг муҳим тармоғи ҳисобланган кичик бизнес ва хусусий тадбиркорликка ёшларни кенгроқ жалб этиш, уларга ҳар тарафлама қўмак беришга алоҳида эътибор қаратилмоқда, — дейди Учтепа қишлоқ хўжалиги касб-хунар коллежи битирувчиси Саъдулла Муқумбо-

гун мен каби ёш ишбилармонларга қаратилаётган юқасқ эътибордан илҳомланиб, ўз бизнесини йўлга қўяётган тенгдошларимга ҳавас қилаётганлар ҳам кўп. Уларга ҳам ўз режангиз, орзуларингиз учун чекинмасдан ҳаракат қилинг, деган бўлардим. Чунки, мен танлаган йўл, ўзим тайёрлаётган нон каби мени элда азиз қилди.

"Мадад шифо сервис" — ислохотлар меваси

— Бугун тадбиркор бўламан деган кишига давлатнинг ўзи ҳар тарафлама қўмак бераёпти, — дейди хусусий фирма бошлиғи Моҳира Пулатова. — Бунинг учун мамлакатимизда барча шарт-шароитлар яратилмоқда. Мен тиббиёт ходими бўлсам-да, тадбиркорликка қизиқаман. Сабаби соҳага берилаётган эътибор ва қўмак ана шу йўлда руҳлантирди. Аслида инсон соғлиги жиддий масала. Шу туфайли ҳам ҳар бир касбдошим ўз ишига сидқидилдан, масъулият билан ёндашади. Айниқса, бугунги кунда соғлиқни сақлаш тизимида олиб борилаётган ишлар, кенг қўламли устувор ислохотлар тиббиётнинг янада тақомиллаштиришга туртки бўлмоқда. Юртимизда барча соҳада эришилаётган самарали натижалар ҳар бир ватандошимизни янги марраларга чорламоқда. Мен ҳам тадбиркорликни йўлга қўйиш мақсадида "Агробанк"нинг Жиззах ҳудудий филиалидан кредит олиб, "Мадад-шифо сервис" хусусий фирмасини ташкил этдим. Асосийси, бу ерда яна



ев. — Айниқса, қишлоқ ҳудудида истиқомат қилаётган ёшларни иш билан таъминлаш, уларни тадбиркорлик фаолиятига жалб этиш борасида кенг қамровли ишлар амалга оширилмоқда. Жойларда ёшлар иштирокида ўқув семинарлари мунтазам ўтказилмоқда. Мен уларда имкон қадар фаол қатнашиб, ўз билим ва кўникмаларимни мустаҳкамлаб боришга интиламан. Ана шундай тарғибот ва ташвиқот ишлари сабаб мен таниган юзлаб ўғил-қизлар, тенгдошларим тадбиркорлик йўлини танладилар. Ўз бизнес лойиҳаларини амалиётга жорий этиб, тадбиркорлар қаторидан ўрин олдилар.

Мен ҳам нон ва нон маҳсулотларини ишлаб чиқарадиган цехни ишга тушириш мақсадида "Агробанк"нинг Жиззах филиалига кредит сўраб мувожабат қилдим. Банк мазкур лойиҳанинг аҳамияти ва давомийлигини эътиборга олиб, уни молиялаштирди. Бундан мамнун бўлдим, албатта. Бу-

10 нафар киши учун янги иш ўрни ташкил этилди. "Агробанк" мен учун ишончли молия муассасасига айланди. Сабаби, ҳар қандай ҳолатда тадбиркорни қўллаб-қувватлаш, унинг молиявий муаммоларини ижобий ҳал этиш банк мутасаддиларининг асосий мақсадиридир. Мен ўзим бунга бир неча бор гувоҳ бўлганман.

Бугун қай бир тадбиркор ёхуд фермер билан суҳбатлашманг, уларнинг қалбида шукроналик, истиқлол сабаб етишган неъматлардан баҳрамандлик ҳиссини туйётганликларини англайсиз. Ўз меҳнатларидан миннатдорлик, уларда мамлакатнинг эртанги кунига бўлган ишонч ва собитқадамликларини янада зиёда этмоқда.

Аслида ҳар бир соҳа қатори банкларнинг олида турган асосий мақсад-мудда ҳам шу — одамларда эртанги кунга ишонч уйғотиб, уларнинг эзгу мақсадларига қанот бўлишдир. □

Хайрулло ХОЛТЎРАЕВ

Хизматлар лицензияланган



Тадбиркорлик ривожини — бош мезон



Иқтисодиётимиздаги бугунги юксак натижаларга эришишда юртимиздаги банк-молия муассасалари тобора катта аҳамият касб этмоқда. Хусусан, етакчи банклардан бири ҳисобланган "Асака" давлат-акциядорлик тижорат банки бунда ўзига хос мавқега эга. Аввало, иқтисодиёт тармоқларига ажратилаётган кредитлар салмоғи, кичик бизнес ва хусусий тадбиркорликни молиявий қўллаб-қувватлаш, ишлаб чиқаришга замонавий технологияларни жорий этиш борасида амалга оширилаётган чора-тадбирлар самараси, мижозлари сафи кундан-кунга ортиб бораётгани ана шундан далолат беради.

"Асака" банкнинг ижобий ютуқларини кўпайтиришга ҳисса қўшаётган, жойларда мижозларга турли молиявий хизматлар кўрсатиб ишончли ва самарали молия муассасаси сифатида обрў қозонган бўлимлари, филиаллари қаторида унинг Қорақалпоғистон филиали ҳам бор.

Бугунги кунда "Асака" банкнинг Қорақалпоғистон филиали жамоаси 50 мингдан зиёд юридик ва жисмоний шахсларга намунали банк хизматлари кўрсатиб келмоқда.

Маълумки, банкнинг кредит ва инвестицион фаолияти унинг салоҳиятини, хизмат кўрсатиш даражасини белгилайди. Зеро, каттаю кичик корхоналар, тадбиркорлик субъектлари ишлаб чиқаришни барқарорлаштиришда ва кенгайтиришда банкларнинг молиявий мададига таянади. Шу нуқтаи назардан, банк жамоаси кичик бизнес ва хусусий тадбиркорликни қўллаб-қувватлаш, ишлаб чиқариш корхоналари фаолиятини такомиллаштириш орқали

маҳаллий маҳсулотлар ишлаб чиқариш ҳажми ва сифатини оширишга сезиларли ҳисса қўшмоқда.

Жорий йилда банк жамоаси томонидан кичик бизнес субъектларига ажратиладиган кредитлар миқдорини ўтган йилга нисбатан 1,3 бараварга ошириш мақсад қилиб қўйилган. Яъни барча молиялаш манбалари ҳисобидан 65 млрд. сўм миқдоридан кредитлар ажратиш режалаштирилган. Ана шу мақсаддан келиб чиқиб, жорий йилнинг биринчи чораги давомида кичик бизнес субъектларига 11,8 млрд. сўм миқдоридан кредитлар ажратилди. Бу кўрсаткич ўтган йилнинг шу даврига нисбатан қарийб 1,5 баравар ўсишига эришилди. Банкнинг ушбу кредитлари ҳисобига янги иш ўринлари ташкил этилганлиги эса банк жамоаси шу орқали аҳолининг турмуш фаровонлигини оширишга кўмаклашаётганлигини кўрсатади.

Масалан, Эллиққалъа туманидаги "Boston agrosanoat savdo" масъулияти чекланган жамиятига қишлоқ хўжалиги маҳсулотларини қайта ишлайдиган технологик ускуналар олишга имтиёзли шартларда узоқ муддатли кредит маблағлари ажратилди. Корхонада тежам-

кор, яъни кам энергия қуввати сарфлайдиган замонавий ускуналар ўрнатилди. Ушбу ускуналар ўрнатилгандан кейин, бу ерда қишлоқ хўжалиги маҳсулотлари қайта ишланиб, бир йилда 25 минг тоннага яқин озиқ-овқат маҳсулотларини ишлаб чиқариш қуввати яратилди. Шунинг билан бирга, корхонада кўшимча 5 та янги иш ўринлари яратилиб, шунча киши муқим иш ўринларига эга бўлди. Бу ҳам банк кредитининг самарасидир.

Амударё туманидаги "Avto kayir mayshi" масъулияти чекланган жамиятига ишлаб чиқаришни кенгайтириш мақсадида хомашё олиш учун имтиёзли шартларда кредит маблағлари ажратилди. Ҳозирда ушбу корхонада ишлаб чиқариш йўлга қўйилиб, бир йилда 148 млн. сўм миқдоридан трикотаж маҳсулотлари ишлаб чиқариш қуввати яратилди. Шунинг билан бирга, корхонада кўшимча 4 та янги иш ўринлари яратилиб, қишлоқ ёшлари муқим иш ўринларига эга бўлдилар.

"Асака" банкнинг сармоялари хизмат кўрсатиш ва сервис соҳасини яхшилашда муҳим омил бўлмоқда. Мисол учун, Нукус шаҳрида фаолиятини бошлаган "Indigo trans" шўъба корхонасига банк филиали томонидан аҳолига транспорт хизматларини кўрсатишни яхшилаш мақсадида узоқ муддатли

кредит маблағлари ажратилди. Банк кредити ҳисобига мамлакатимизда ишлаб чиқарилган замонавий "Исузи" русумли автобуслар олинди, Нукус шаҳри ва шаҳар атрофидаги аҳолининг узоғини яқин қилиб, намунавий хизмат қилмоқда. Бу ерда 15 та янги иш ўринлари яратилди.

Шу билан бир қаторда банк жамоаси тадбиркорлик фаолияти билан шуғулланиш истағида бўлган касб-хунар коллежлари битирувчилари ҳамда оилавий тадбиркорликка қўл уришни ният қилган оилаларга ўз фаолиятларини бошлашлари учун кредитлар ажратиш орқали тадбиркорликка жалб этиш масаласига алоҳида эътибор қаратаётгани ҳам ибратлидир. Бундан ташқари "Agrofirma temur barakat" агрофирмаси раҳбари, касб-хунар коллежи битирувчиси, ёш тадбиркор Тимур Рўзимов жорий йил 12-13 март кунлари мамлакатимиз пойтахтининг кўргазма савдо марказида ўтказилган "Банк технологиялари, ускуналари ва хизматлари VIII-йиллик "BankExpo-2015" миллий кўргазмаси"да "Асака" банк томонидан имтиёзли кредит олиш ҳуқуқини берувчи сертификат билан тақдирланди ва унга кредит ажратилди. Банкдан олинган кредит ҳисобига ёш тадбиркор қишлоқ хўжалиги маҳсулотларини қайта ишлашга мўлжалланган замонавий ускуналарни олиб, ишлаб чиқарилган маҳсулотларни хорижга экспорт қилиш ниятида. Бунинг натижасида кўшимча 5 та янги иш ўринлари яратилди ва ўзига ўхшаш ёшлар ишга қабул қилинади.

— 2009 йилдан бери "Асака" банк мижозиман, — дейди тадбиркор Клара Худайбергенова. — "Асака" банкнинг молиявий ёрдамида мен ўз тадбиркорлик фаолиятимни йўлга қўйдим. Ишим самарали бўляпти, оиламга барака кирди. Булар ҳаммаси "Асака" банкнинг ҳамкорлиги шарофати билан амалга ошяпти.

Қисқача қилиб айтганда, "Асака" банкнинг Қорақалпоғистон филиали томонидан кичик бизнесни қўллаб-қувватлаш бўйича амалга оширилаётган ишлар аҳоли турмуш даражасини оширишга хизмат қилмоқда. Энг муҳими, банк кўмағида аҳолида тадбиркорлик қобилияти шаклланиб, кичик бизнес вақиллари иқтисодиётимизни ривожлантиришга салмоқли ҳисса қўшмоқдалар. Тадбиркорликни ривожлантириш, бунёдкорлик ва тараққиёт учун хизмат қилиш эса банк жамоасининг доимий эътиборида турибди. □

Хизматлар лицензияланган



